

陝省安徽會館錄

方延禧書藏

地
170.13
938
21

同治丁卯冬月

陝省安徽會館

板藏本館

重修陝西安徽會館暨議刻館錄序

丙寅之夏余秉臬來秦適吳刺史欽曾李大令漢章鄒大令常泰汪大令齊輝倡修吾皖會館文武同寅皆醵金襄事余亦捐廉助之攷吾皖之建會館於西安也創自嘉慶庚辰至道光年間拓修殿宇增議

朱文公

祀典規模式廓禮儀悉備其原委具載已丑公啟及

查公崇祀記中同治癸亥花門變起逼近省垣大營糧臺設立館內兵勇雜沓牆宇門屏半多損壞幸賴諸君子鳩工庀材重興修整五閱月而功始竣九秋望日恭逢

安徽會館錄

序

紫陽夫子誕辰予將事後周覽前後廳堂煥然一新不禁心喜蓋天下事無不待人而理得其人真誠自矢勇於從公雖值艱難之際皆可相與振興苟使偷安自便無意維持卽處全盛之局其敗也可立而待豈特會館爲然哉然則今日吾皖會館非得諸君子經理其事又安得復見輝煌若此哉今余奉

簡命爲京兆尹將計北上而東道爲捻寇所阻暫憩館中諸君復與余商立條規且謀刻館錄以垂久遠余以事關桑梓誼無可辭乃相與將舊有條規重爲釐正更搜輯歷屆捐

輸姓氏與前後所置產業契據分錄兩卷而以己丑公啟
查公崇祀記冠之於首次條規次捐輸次契據共成四卷
其義園條規契據併作一卷附於後蓋七八十年來吾鄉
先生所爲慘淡經營者其精神畢聚於此矣而諸君實先
輩之功臣也若夫遵循舊章俾無廢墜是在任其事者之
及時整理耳冬月中浣續溪胡肇智謹序

陝西安徽會館錄序

余皖之歙人也國初始遷揚占籍儀徵皖人居邗上者多脩家祠不及會館道光己酉余將赴京兆試世父茗庵公勗予曰汝入都不居揚州館卽居歙縣館勿違鄉人蓋示以桑梓敬恭之義焉比至京師以習於揚之人遂假揚州館以居越日往歙縣館謁鄉先生意皖人皆同鄉應有通省會館當往修謁鄉先生曰皖省仕商之居京師者府有館州有館縣有館或尙有未立館者若通省會館則未之聞也咸豐丙辰丁巳間余官內閣曾與鄉人議立安徽會

安徽會館錄

序

館以居鄉會試到京之無舍館者時皖省連年兵燹人力不足斯有志而未逮越歲己未冬余改官來秦下車訪詢江蘇議建會館尙未成安徽舊有會館凡鄉人之仕宦於是幕游于是商賈于是者皆於春秋吉日恭祀鄉賢團拜飲福著爲例斯以見吾鄉人之桑梓敬恭其可忽也館建於嘉慶庚辰迄於今四十有八年矣昨歲丙寅鄉人復加脩葺煥然一新適胡季舫先生秉臬關中更與鄉人謀著爲錄以誌旣往而詔將來首列圖其規模可見也次列公啟碑記其緣起可知也次列條規敬將事也次列釀資姓

氏旌衆力也次列興作所用房券地契備考核也次列義地條約所以妥旅魂而期遵守也秩然有叙燦然不紊吾益見先生與鄉人之桑梓敬恭而於吾世父之言信而有徵也錄甫成先生內擢京尹不及待刊以稿付余余復與弟延禧較讐付梓爰書數語於後

同治六年秋七月方鼎錄書於西安郡齋

安徽會館錄目次

卷一

道光己丑公啟

崇祀 朱子記 查廷華

建修會館碑記 呂嘉言

卷二

條規 共十五條 又新增三條

卷三

捐輸銀數姓氏

安徽會館錄 目次

置產並各項工程用錢總數

卷四

產業契據 共三十九條

卷五

義園條規 共六則

義園契據 共二契

增置安徽新義園小記

安徽會館錄卷一

道光己丑公啟

竊以皖江秀聳黃山瑞呈白嶽靈湖萬頃歛浦千波天地
清淑之氣蜿蜒扶輿磅礴醞積固昔所號物華天寶人傑
地靈之奧區者也然人才爲世用財貨爲世需車轍馬跡
遍于通都大邑亦往往有之有如遭逢得偶捧檄名邦激
昂之居志存鴻漸際茲驪歌載道未免驛館羈栖抑或奇
贏是操懋遷異地富厚自擁家羨侯封當此客子離鄉亦
須郵亭宿息會館之建誠所尙焉夫事莫難於慮始衆最

安徽會館錄

卷一

易於樂成在昔寄寓西安有汪仁發程宇周程萬興等於
乾隆四十四年先募助於西安太守李西崑先生漢中太
守汪元龍先生創率同鄉量力捐資通盤結算積數百金
計錙銖而生發較分兩而盈餘至四十六年汪仁發復率
同鄉姚嵩山鄭永亨方全五汪素五程萬興程宇周置買
義地一所安置幽魂由五十六年經呂觀成汪祖格方天
助管理於嘉慶六年復又經方天助呂觀成方金玉許明
振汪祖格呂宜棋呂宜天程振璋汪士梓丁明鴻汪廷福
宋永運等接理至二十五年房業滋息共計金三千有零

衆之籌畫經營均屬同心也然既足以安幽魂猶當以安
行旅是以徐潤劉寅程因培方文昶汪士梓丁明鴻童德
明等同心商議于長安水池方置買房院一區計值三千
二百餘金其中棟宇闕深堂室軒廠啟牖通扉曲折繚繞
洵爲負擔堪弛賓至如歸之一大快事也惟是繩床設榻
茶灶酒爐茗椀檠燈屏風簾幙在在皆爲先務尤當供奉
神靈以迓麻祥而聯情好爰集同志設牲醴以禱鍾靈演戲
酬神序齒飲福規製既定歲以爲常自嘉慶二十五年至
道光八年共計費金六千餘兩雖係同人之樂舉而資費
繁浩支用維艱是以轉輸于在城之仕宦商賈並南北兩
山之寄旅同鄉其中有輸而卽助者有輸而未助者先後
不齊殊難勒碑俟樂輸齊交之日再行議敘芳名茲自道
光八年徐潤劉寅等將前公議章程交卸于接手辦公之
首事等經管惟冀賢能繼起堪膺接管增興庶不負集腋
成裘之舉崇台積幹之喻也瓊瓊常言在所不取然垂而
不朽須勒石以流芳

安徽會館錄卷一

崇祀 朱子記

禮有其舉之莫敢廢也况煌煌鉅典循

熙朝崇儒重道之至意爲

徽國文公春秋祀事哉我安徽會館之建於西安也規模式廓先後諸同鄉瘁心力者三四輩矣獨於妥侑

先賢朱子地歎隘囂塵未臻美善焉君世喬懼其褻也亟謀首事闢後寢設兩楹以奉焉而仍闕如於祀典每歲秋季恭逢

安徽會館錄

卷一

三

賢誕惟二尹劉君寅供其蘋藻而已壬辰春權佛坪司馬張君應綸慮非所以計久長且不得尊崇之大體議欲虔修禮祀歲率爲常時則有若隴州州丞賢齋廷煥臬叅軍汪君平均郡叅軍孫君泰咸甯尉姚君元璋等咸樂從事爰爲領袖計江之來青門者同官若而人游幕若而人經商以及寄籍並若而人周爰諮度俾各隨其心之所欲量其力之所能醵金以襄事

華奉

簡命理離摧於陝以西者有年矣睹茲曠典聿舉崇朝敢不輸廉爲諸同人勸果幸爭先踴躍集有多金遂於是春成釋

莫之禮繼於是秋獻祝嘏之忱彬乎文物聲明蔚爲嘉會
儼若向星源而陳俎豆登闕里而薦馨香蓋美哉始基之
矣猶未也所願與凡百君子各共乃位恪乃事神之聽之
介爾景福行見氣象日新精神日萃所以聯桑梓之敬恭
者有千載非一時也至於會計之權度支之節另置簿籍
毋溷他端斯於肅明禋之道爲尤得顧禮不欲疏疏則忘
禮亦不欲數數則煩自時厥後春禴秋嘗其不愆不忘率
由舊章焉可涇縣後學查廷華拜撰 道光十五年勒石

錄此二則可以見會館與義園創建原委

安徽會館錄卷一

建修安徽會館碑記

蓋聞樸斲之勤先於丹雘墜茨之力等於垣墉甚矣莫爲之前事實難與圖始莫爲之後業每墜於垂成善始善終善作善成其功不必概出之一人其效則相須而共理者也矧施在濟衆誰則義舉之首肇議格多年疇克竟成其初志不有瑰異之士後先協力詎能功成一旦式足千秋也哉於是而建修安徽會館有足紀焉者青門曩無安徽會館也乾隆戊戌年耀州刺史吾邑汪公灝首先捐貲厥

安徽會館錄

卷一

五

後西安太守皖城李公西崑漢中太守吾邑汪公元龍並徽郡汪子仁發旋各捐金始有創修之議然皆以勞於鞅掌不克修葺而罷善始不必善終善作不必善成數公固有志而未逮者也迺吾邑汪子素五姚子嵩山方子全五適羈此土遂以數公所捐之金權子母焉迨嘉慶辛酉吾邑汪子秉蒲方子金玉呂子觀成接理其項時已積有壹千餘緡矣如是又生息者二十年至己卯共得叁千貳百兩吁不有素五秉蒲等汪李諸公所捐銀兩垂五十年幾何不爲不肖者乾沒耶是又於捐金一節證汪李諸公之

見義必爲於經理多年見素五輩之臨財不苟也不均爲
瑰異之士哉然汪李捐金創建修之議不能必後之果於
建修也素五秉蒲權息備建修之費不能必建修之迄觀
厥成也以論善終善成之功是則歸之徐公潤劉公寅程
公因培及吾邑汪子士梓方子文龍丁子明鴻今見彤軒
紫柱祀

朱子則克壯兩楹矣青瑩丹雘侑列神則式遵三禮矣理公
一局有以會歲時伏臘之衣冠也厦房廿間有以備寄籍
應試暨同鄉流寓之棲止也崇宏軒冕棟宇翬飛伊誰之

安徽會館錄

卷一

六

力哉元年春言解組來陝方子金玉汪子士梓爲言道及
此始知自購址至竣功除糜費不計外統共用銀陸千數
百餘兩自庚辰春至辛巳夏歷時越十四月云嗚呼費亦
鉅矣工亦繁矣力愈大矣非瑰異之士而能部署裕如若
此哉至積項不足而募化之與樂輸銀兩不無一二爲持
簿者侵蝕去以致會內仍有虧欠是蓋任事者不得已亦
非任事者所逆料也聞現已設法議以歲得房租陸續彌
補斯尤善爲旋幹者矣噫善始善終善作善成其功不必
概出於一人其效則相須而理不於此益信耶因要其始

終而備述之他如立規條以垂久遠舉首事以專責成清會計以裕儲積尤所望於後此之執事者是爲記壬辰八月旌德呂嘉言并書

此記續後訪得文殊雅飭第壬辰距己丑纔數年耳而所敘在事姓名彼詳此畧且記自言元年春來陝聞知此事攷道光元年

朱子殿尙未及建而祀典更未議及是所敘拓室議禮年分與查記亦不符合補錄之以備查攷

鄉人有言會館本名旌德後乃改爲安徽會館者

攷此記是旌德人所作並未言是旌德會館故特誌之

安徽會館錄卷二

規條

一館內頭進供奉

關夫子
東平王

每逢春秋祀事向歸方天寶

許瑞興方天錦三家承辦後進供奉 朱文公每逢春

秋祀事向歸詹成圭胡永元詹斯美四如齋四家承辦
其經費俱取給於月租每年上下手交替時公同核算
除每歲常用外餘錢各半分存以備祀事之需嗣於同
治四年議歸詹成圭詹斯美胡永元方天寶四家經理
今公議將新置地租與捐輸地租及舊有租息均仍歸

安徽會館錄卷二

八

詹成圭等四家輪班經理其祀事亦歸輪辦不必分班
如同鄉續有挾厚資來陝開字號查明結實可靠者即
請入班輪管每年請同鄉官二人總理查核再於各家
中公舉二人一司帳務一管銀錢定於每年十月初一
日交替所有一年內經手出入賬目即於是日上下手
公同核算館中木器傢具等項亦須查點清交如有虧
短着落經手賠補並將一年出入賬目用粉牌逐款開
明懸掛 神堂俾眾週知至同鄉官如未屆交替之期
奉檄赴任暨出長差離省者隨時公請一人接管不可

虛懸

一每年歲支外如有餘錢須通知衆同鄉公議存積添置產業不得通融挪用倘經手私借與人查出罰賠

一館中尋常事件仍照舊章由司事區分其有必須商酌者定期出單傳請同鄉公議不准推諉不到

一逢祭祀之期司事先五日出單傳知同鄉官

祭關夫子
東平王向

俱不到今
仍其舊

暨衆同鄉到者書明單上以便備席屆期各

帶香資與祭散福惟向來每逢祭期晝夜演戲所費不貲今公議於每年十月初一算賬交替之日統核所收

安徽會館錄

卷二

九

租息能敷一年歲支之用仍照舊辦理倘逢年歉租息不敷卽傳知同鄉到者與祭備席散福停止演戲

一新置及捐輸地畝並義園餘地共計租若干務於登場時一律收清倘有拖欠之戶設法着追免致虧缺其所收租息與每月所收鋪租房租隨時登記以便交替時
公同查核

一祭祀之日俱應各整衣冠齊集行禮以昭誠敬至同鄉中有另立已會願在館酬神者應聽其便但銀錢賬目館內不必過問以杜牽混